



3473

III.


Mag. St. Dr.

p

Charzewski, Józef, Kmita. Geniū multiplicita  
firmamenti sidera in planum erudite ac eme-  
ritae virtutis primas laureae Candidatorum  
repraesentans.

Wroclaw 2904







# ZENITH

Multiplicia Firmamenti Sidera,

*IN PLAUSUM*

Eruditæ ac Emeritæ Virtutis

IV. VV. DD. Primæ Laureæ Candidatorum

REPRÆSENTANS

& dum per

*Illustrem Clarissimum & Admodum Reverendum Dominum*

D. M. ANTONIUM

MICHALSKI,

Philosophiæ DOCTOREM ejusdemq; Regium PROFESSOREM,

Collegam Majorem, Ecclesiæ Collegiatae Sanctæ ANNÆ Cracoviæ

CANONICUM, ac interea Artificiæ Facultatis DECANUM.

In numerosa Hospitum præsentia,

AA. LL. & Philosophiæ Baccalaurei

Ritu Solenni renuntiarentur,

et

V. JOSEPHO KMITA CHARZEWSKI,

Ejusdem Laureæ Candidato

Poëticâ pennâ

DEMONSTRATUM.

*Annô quô*

Rex gloriæ Christus DEUS à clarioribus Polis,

Sacratione gratia Illuxit Orbi terreo

*1752. die 18. Mensis Maji.*

CRACOVIAE Typis Universitatis Collegii Majoris.





B. IOANNES CANTIUS Polonus, SS. Thiaë,  
in Vniuersitate Cracouiensi Doctor, et Pro-  
fessor, Presbyter Secularis, Miraculis Clarus.

*Paulus Iydrzecki sculpsit*

Phosphorus exoriens terris in luce serena  
 Proponit lætum tum sine nube diem.  
 Sidera, quæ gyro volvuntur in æthere mirô,  
 Optima, dum radiant, omina sorte trahunt.  
 CANTIUS est almâ Lumen virtute decorum.  
 Munera de nitido prosperiora Polo  
 Attribuens mundo terrestri: Candor Olympi  
 In meritis fulgens & probitate Sacris.  
 Gratia vocali sub Nomine nonne JOANNES  
 Ingeniis fausta dote talenta refert?  
 Apparet comis præstanti Lumine Titan  
 Lucidior nostri gratia Sancta PATRIS.



FULGIDISSIMO LUMINARI  
D. JOANNI CANTIO,

Regni Poloniae Magniq; Ducatus Lithvaniae

P A T R O N O,

Universitatis Cracoviensis

P A T R I A R C H Æ,  
GRATIOSISSIMO PATRI

Ode Votiva



**D**Ecus Coronæ Sarmaticæ, micans  
Septemtrionis Sidus; honor vicens  
Parentis inclytæ, Corymbe  
Palladis, & Patriæ Columna,  
Candor supremi comptior ætheris,  
Viror nitentis gratior agminis,  
Tibi Polus; tibi secunda

Lumina Zodiaci peramplos  
Aptant triumphos, ac reuerentiam  
Mentes Virorum percelebres litant,  
Sertum Camænarum virefcens  
Frontibus, Alme Pater JOANNES.  
Zenith Polonis munera dexteræ  
Terris remonstrat, quæ tulit optimis  
Pro Gratiis Numen colendum  
Actibus & merito JOANNIS.



Vt Phæbus altâ splendidus orbitâ  
Vimbrîs carentem lætificat diem;

Vt fronte diffundit serenum;

Munera sic recreant Beati.

Aurora Solem præveniens jubar

Spargit decorum, Jupiter aurea

Ab æde stellata quibûsvis

Lumina contribuit diebûs.

Dum plena fulget Cynthia prosperas

Expectat horas omne genus super

Pontum, super terras quotannîs

Carbasa cum Zephiro repandens:

Faces Olympi sub numero vias

Tendunt, retendunt per graduum vices

Influxibûs mirîs favendo

Arboribus nemorum; metallis.

Divi coruscîs ignibûs in dies

Favor JOANNIS fulgidior; quia

Feliciter ditat precantes;

Nubila tristitiæ repellens.

Terrent Triones, circuitu celer

Tonando Cælum fulgura commovet,

Ast in Beato Patre splendor

Irradiat sine nocte vastum

Orbem, JOANNES gratia dicitur,

Juvamen affert ingeniis Poli

Ab axe, copiosiore

Frontibus in Studio profectum

Adauget



Adauget. Umbrîs exoriens latet  
Titan; micantes obtenebrat vapor  
Stellas, & ecclipses Planetæ  
In domibus patiuntur altis.  
Lux quam Beatus CANTIVS obtinet,  
Inter Sacratos Cælituum choros  
Amænitate plena fulget,  
Clarificans genios Clientum.  
Lux Sole Cæli Sidere clarior,  
Lux Marte forti, tum Jove dignior  
Coronat, & favore vota  
Multiplici decorat petentûm.  
Non Eurus atrox non Aquilo rigens  
Non hydra grandis non Leo fervidus  
Queunt nocere literatis  
Frontibus in Studio librorum.  
Præclarus ornat tempora CANTIVS  
Serto nitenti; pandit Ethesias  
Secundiores gratiarum  
Desuper in benedictione.  
O Lux perennis! fausta, decoribûs  
Ornata Sacrîs Empyreî; Tibi  
Honor, tibi beata fit laus  
Et celebres resonent triumphi.  
Pro gratiarum dotibus, & pio  
Nostrum labori subsidio dato  
Protectio Divi Paterna  
Plurima dona tulit JOANNIS.



En vota noltrūm præmia continent,  
Frontem virescens en tegit anxiam  
Laurus, subintrat palma dextras  
Pro merito Studiis peracto,  
Io, triumphos mille tibi damus  
En ore promit vox hilari sonos  
In victimam cor dedicando  
Palladis eximiæ PATRONO.

*Illustribus Clarissimis & Admodum Reverendis Dominis*  
**EXAMINATORIBVS,**

*Illustri Clarissimo & Admodum Reverendo Domino.*  
**D.M. ANTONIO MICHALSKI,**  
Philosophiæ DOCTORI, Collegæ Majori, Eccl: Collegiatae D. ANNÆ  
Cracoviæ CANONICO, ac interea Philosophicæ Facultatis  
**D E C A N O.**

*Illustri Clarissimo & Admodum Reverendo Domino*  
**D. M. MICHAELI CZYRNICKI,**  
Philosophiæ DOCTORI ejusdemq; Regio PROFESSORI, Collegæ  
Majori, Ecclesiæ Collegiatae D. ANNÆ CANONICO Parochialium  
in Opatowiec & Pobiedz PRÆPOSITO,

*Illustri Clarissimo & Admodum Reverendo Domino,*  
**D. M. ANTONIO KOCIKOWSKI,**  
Philosophiæ DOCTORI ac PROFESSORI; Collegæ Minori, Ecclesiæ  
Archipresbyteralis Beatissimæ Virginis MARIE in Circulo  
Cracoviensi PÆNITENTIARIO.

**In vim propensionis & gratitudinis**

Aquila ad Boream, Eridanus ad Austrum, Stellæ elegantiori ordine dispo-  
sitæ pulchritudine & magnitudine insignes plurimos inter hæc sub-  
lunaria causantes effectus, offeruntur.

**F**ulgida quo calamô Virtus scribenda Virorum  
Quo sunt elogiô totum recitanda per Orbem.

Acta



Acta bonis meritis bellè clarentia quæto  
Dicite Pierides, svavi modulamine famam  
Præcellsi comptus Parnassi Præses Apollo  
Ingeminet, Cæli radiantia sidera flammis  
Virtutis documenta ferant per climata mundi;  
Signa triumphales exornent luce colossos,  
Vel calido rutilos accendant igne pyropos;  
Ut probitas oculo spectanti clarior adsit,  
Sola licet cunctis pateat clarissima per se.  
Claror ab Arctoo latè diffusus Olympo  
Et bellus summum retegens nitor æthera sursum  
Dignæ signa refert Orbi probitatis & almæ.  
Docto lucet Aristoteli par ordine primus  
Purpureo plenus meritorum murice fulget:  
Hæc Toga pro celebri vestit virtute lacertos;  
Sanguineis hæc pro guttis in honore triumphat,  
Et nisi pectoribus robustis splendet amica,  
Corpore sub gracili virtus solidissima floret,  
Victrices inter millena pericla laborum  
Acceptat palmas, ANTONIUS eminet Orbi  
Doctrinâ gratô morum candore, dicatas  
Exedras ornant promendo dicta Rosinus.  
Dicat quotquot habet congesta negotia Pallas,  
Enumerent Classes aliquot sub tractibus annos  
Non sibi sed Iuvenum Studio cum laude peractôs.  
Cælis non Ceris referendus (fido) Vir iste,  
Nomine MICHAEL insignis, dextimus Heros  
Ingeniô, virtute, labore secundus, utrinque  
Clarè gestorum præconia sumere dignus.  
Celfos dexteritate Viros Albania profert;  
MICHAEL Aquilæ generosa propago Polonæ  
Tullius eloquiô connectens verba Pericles  
In Cathedris decorat Stoam, trutinando, legendo  
Dogmata sat facili, comi sermone PROFESSOR.  
Non solas artes etiam virtutis amorem  
Argumentosis rationibus edocet omnem  
Discipulum, rigidos nunquam vitando labores.



Candidus, illustris dicendum Vir sine fuco.  
Tertius assiduo libri conamine vitam  
Ducens in vigiles horas, momenta dierum  
Distribuit nulli docto cedendo labori,  
Extenuat vires mutos lustrando Magistros,  
Scilicet arte libros celebres re & Nomine Magnos  
Ut sciat ac alios doceat; quod regula mandat.  
Lentè festinus peragit certamina miles,  
Viribûs ut non deficiat, si tela Gradivus  
Ad luctamina disponat; Mars bella requirat,  
Ast ANTONIUS in rectè factis manet idem,  
In virtute viget constans, par, rite decorus.  
Stelligeram manibûs sphæram gestaverat Atlas  
Pulchrîs fors potior meritîs Atlante Vir iste.  
Si calamus taceat, narrent meliora Camænæ.  
O alti Stellæ radiantia Lumina Cæli!  
O omnes flammæ candentia Lustra Polorum!  
Accumulate bonis lucem mala fata prementem  
Prælustres Aquilæ pennæ borealis honores;  
Designent, ac Eridanus fulgore fluenta  
Protendat Stellis prosperrima quoslibet annos  
Excultis probitate Viris ac arte politis;  
Quòd placidâ Nobis fronte exhibuère favores  
Et quia ponderibus nostri præstare laboris  
Dignati sunt auxilium, hæc propensio veri  
Affectûs, sincera Clientum vota reponit.





# Z E N I T H

In plausum Eruditæ ac Emeritæ Virtutis

IV. VV. DD. Primæ Laureæ Candidatorum

Multiplicia Firmamenti Sidera,

## REPRÆSENTANS.

II. V. D. JOANNI WOYNAROWICZ,

Gemma & Olor Sidera circa Arcticum fulgentia præno-  
bilis efficacix ac Virtutis proferuntur

*L. & Valor & Decus inde.*

**C**Æli pro meritis munere gaudeat  
Pulchris frons tua fulgido.

Solers ingenium cum patientia

Candor serena nitentia

Causant. Summa Poli lumina dum videt;

Forſan mens tua lætior.

In lucis latitant Iride Symbola

Pacis fœdere prædita:

Menti pacificæ juncta modestia

A Stellis jubar obtinet.

Subter Sarmatico climate natus es,

Oris five Polonicis,

Craci Palladio dogmata discere

Exoptas studiosius.

Dicunt Aonides consonat optimi

Verax sensus Apollinis

In te quòd probeas fat placidè micat;

Et prudentia Nobilis:

Esto, quidquid enim Pallas in ædibus

Astrorum decoris videt,

Id pro præcipuis dotibus ingenii

Confert temporibus tuis.

Ergo sorte tuos lætificet precor

Annos fidereus nitor



III. V. D. JOANNI DANIELCZYK,  
Ara, Cetus & Toucan Stellæ ad Austrum positæ celebres,  
splendiferæ ac laudabilis elegantia præponuntur.

*L. Hæc sortis præfagia multæ.*

**I**N teneris virtus annis matura refulget,  
Indolis egregiæ specimen præfagia confert,  
Quod Tibi præcurrent felicia cuncta JOANNI,  
Eximius tum comptus honor comitabitur ultro.  
Effatum resonat: Sapiens dominabitur astris,  
Sidera quæ radiant cara tibi luce favebunt,  
Virtus ac ratio Stellis præstantior altis.  
Nil fati firmæ menti formido nocebit  
Nam firmamenti fulgentia signa resistent.  
Non feriunt viridem contraria fulmina laurum  
Frons tua laurigeræ meritò sociata Coronæ  
Intultus claro fatales Sidere vincet  
Immò quæ cernis celso sub veritæ Cæli  
Lumina; te defensabunt, munimina fient.  
Lucidus ornabat fulgor non umbra JOANNEM  
Dum penna Cæli terris arcana locutus  
Gressibus at faustis saltem millesima lucis;  
Pars tibi sufficiat recreans te; corde peropto.

IV. V. D. THOMÆ LENARSKI,  
Perseus ad Boream, Apus circa Antarcticum locati lucis  
elegantissimæ sidera plurimos in Sublunaribus  
istis producentia effectus.

*L. & hæc prosperrima mittunt.*

**C**Omitem Perseus radians Olympo  
Ac Apus Stellas retinens coruscas  
Indoli promptæ jubar applicarunt  
Sorte decenti.

Hi bonis frontem recreare donis  
Non sinent verè docilem probatam  
Actibus pulchris, meritò micantem  
Palladiano.

Apitiùs



Aptius Cæli nitidam secundo  
Ambiunt mentem radiô faventes;  
Lucifer fulgens geniô decoros  
Gratius ornat.

Quippe de celso resonans Apollo  
Colligit quidquid speciosioris  
Lucis hanc confert placidâ benigno  
Munere dextrâ.

Ergo Lechæis niteas in oris  
Artibus cultis gremio Minervæ,  
Vive felices numerando gressu  
Nestoris annos.

Omen ex Astris tibi sit serenis  
In dies vitæ revirentis, Almi  
Optimos dii tibi largiantur  
Lumen, honores.

I. V. D. JOSEPHO KMITA  
CHARZEWSKI,

CRUX & SCVTVM SOBIEVIANVM Stellæ ad Aquilonem  
dispositæ miræ pulchritudinis & efficacîæ juxta Hev:

à II, V. D. JOANNE WOYNAROWICZ,  
Ejusdem Laureæ Candidato,  
in vim mutui affectûs repræsentantur.

*L. Ab his protectio certa.*

**P**Ræmia pro meritis traduntur, dona labori  
Succedunt, frontemserta decora tegunt  
Ingeniosam: de libri pallore Corymbus  
Pullulat, & doctis Phæbus amicus adest.  
Menti non defunt docili charismata Cæli,  
Attribuunt charites munera justa probis.  
Lucis honorificæ radii non phasmata noctis  
Orant conspicuas moribus arte genas.



Vocibûs Aonides extollant acta J O S E P H I  
Enarrent quantum mens generosa valet.  
Si pietas adsit; rerum prudentia; quæras;  
Certè non dubia sub probitate viret.  
Palladius Cultor doctissima dicta politis  
Librorum foliis pressa legendo tenet.  
Arbore Porphyrii fructus desumit abundos  
Et rutilat compar artibus ipse bonis.  
Non paritur dociles rugosa fronte labores  
Evincit positas Hectoris arte vices.  
In libris: Virtus heroica forte J O S E P H I  
Laurus sit sit ei dexteritatis honos  
Stelligero superet rerum dispendia scuto  
In CRUCE dinumeret secla serena precor.



Cum Permissu Magnifici  
D O M I N I  
R E C T O R I S.





Biblioteka Jagiellońska



stdr0024336



